

IPA program Evropske unije za  
Bosnu i Hercegovinu

Centar za promociju lokalnog razvoja  
PLOD Centar Bihać  
Ul. Muhsina Rizvića 11, 7700 Bihać, BiH  
Tel : ++387 37 220 690  
Fax : ++387 37 220 690  
E-mail : plod@plod.ba  
Web site : www.plod.ba

“Evropska unija se sastoji od 27 zemalja članica koje su odlučile postepeno povezati svoja znanja, resurse i sudbine. Tokom 50 godina proširenja, zajedno su izgradile zonu stabilnosti, demokratije i održivog razvoj, istovremeno zadržavajući kulturne različitosti, toleranciju i lične slobode.

Evropska unija je posvećena tome da svoja dostignuća i vrijednosti dijeli sa zemljama i ljudima izvan vlastitih granica.”

Evropska komisija  
je izvršno tijelo EU-a.

# LED NET – Inicijativa za kreiranje mreže za lokalni ekonomski razvoj u BiH



Projekt financira Evropska unija



Projekt implementira  
PLOD Centar Bihać

*Ova publikacija je urađena uz pomoć Evropske unije. Sadržaj ove publikacije je isključiva odgovornost PLOD Centra Bihać i ni u kom slučaju ne predstavlja stanovišta Evropske unije.*

# LED NET – Inicijativa za kreiranje mreže za lokalni ekonomski razvoj u BiH

## O projektu

PLOD Centar Bihać - Centar za promociju lokalnog razvoja je u junu 2011. god otpočeo sa provedbom projekta "Inicijativa za kreiranje mreže za lokalni ekonomski razvoj u BiH". Ukupna vrijednost projekta je 259.620 EUR od čega Europska unija financira 231.062 EUR u okviru instrumenta za prepristupnu pomoć, IPA 2009. Projekt, u trajanju od dvije godine, se provodi u suradnji sa drugim lokalnim nosiocima ekonomskog razvoja: Udruženjem za poduzetništvo i posao LINK Mostar, Udruženjem Nezavisni biro za razvoj - NBR Gradačac, Udrugom poduzetnika i poslodavaca – UPIP Žepče i Centrom za razvoj Hercegovine - CRH Trebinje.

Opći cilj je poticanje umrežavanja i jačanje organizacija civilnog društva u sektoru lokalnog/regionalnog ekonomskog razvoja u BiH, te osiguranje njihove dugoročne suradnje, razmjene znanja i iskustava i bolje suradnje sa javnim i privatnim sektorom.

Specifični cilj je uspostaviti učinkovitu i funkcionalnu koaliciju nevladinih organizacija, koja će postati ravnopravan sudionik u procesu lokalnog/regionalnog ekonomskog razvoja u našoj zemlji kroz razvoj kapaciteta i uključivanje i koaliciju najmanje 10 nevladinih organizacija i uspostavljanje dijaloga s relevantnim vladinim predstavnicima na svim nivoima. Projekt je nastao kao odgovor na nedovoljnu uključenost civilnog sektora u proces provedbe socio-ekonomskih reformi u BiH, s ciljem da podrži i osnaži umrežavanje organizacija civilnog društva i njihov doprinos u oblasti lokalnog i regionalnog ekonomskog razvoja u BiH.

Projektom će se osigurati dugoročna suradnja organizacija kao i međusobna razmjena znanja i pozitivnih iskustava koji vode ka jačanju lokalne ekonomije i stvaranju boljih uvjeta za ekonomski rast i razvoj poduzetništva.

## Očekivani rezultati

Projekt je uspostavio efikasnu i funkcionalnu mrežu nevladinih organizacija koje će intenzivnije učestvovati u procesu lokalnog/regionalnog ekonomskog razvoja u BiH kroz razvoj vlastitih kapaciteta i dijaloga sa vladinim sektorom na svim nivoima. Pored toga, rezultati projekta obuhvataju:

- izgradnju ljudskih kapaciteta organizacija
- razmjenu minimum 5 pozitivnih iskustava koja će rezultirati kreiranjem 5 razvojnih projekata za primjenu u minimum 5 lokalnih zajednica
- putem udruživanja, organizacije civilnog društva će utjecati na kreiranje minimum 10 mjera i politika za lokalni/regionalni ekonomski razvoj u BiH.

## Ciljna skupina

Ciljna skupina projekta obuhvata organizacije civilnog društva koje će biti dio mreže, sve nivoje vlasti u BiH (primarno općine Bihać, Gradačac, Mostar, Trebinje i Žepče), te sve ostale aktere koji učestvuju u procesu lokalnog/regionalnog ekonomskog razvoja u područjima na koje se projekt fokusira, a naročito mala i srednja poduzeća, obrazovne institucije, te zajednice u cjelini u kojima će se poboljšati kvaliteta života kao rezultat jačanja lokalne ekonomije.

## Krajnji korisnici

Krajnji korisnici su i drugi sudionici u procesu lokalnog/regionalnog razvoja u području u kojem djeluju navedene organizacije, a to su prije svega mala i srednja poduzeća, agencije, obrazovne institucije i sl., kao i radnici i zajednice u cjelini, koji će pozitivno utjecati na proces lokalnog/regionalnog ekonomskog razvoja.

## Više o lokalnom ekonomskom razvoju

Lokalni ekonomski razvoj je proces putem kojeg akteri u okviru gradova rade zajedno sa partnerima iz javnosti, poslovnog i nevladinog sektora sa ciljem stvaranja boljih uvjeta za ekonomski rast i stvaranje radnih mjesta.

Putem ovog procesa oni uspostavljaju i održavaju dinamičku poduzetničku kulturu i stvaraju novu zajednicu i poslovno blagostanje u cilju poboljšanja kvalitete života za sve građane. Lokalni ekonomski razvoj znači direktno raditi na izgradnji ekonomske konkurencije lokalnog područja u cilju poboljšanja njegove ekonomske budućnosti. Od krucijalne važnosti je davanje prioriteta lokalnoj privredi i povećanju konkurencije, budući da uspjeh zajednica danas ovisi o njihovoj prilagodljivosti na tržišno okruženje koje se sve brže mijenja. Da bi se izgradila konkurencija svaka zajednica treba da shvati i da radi na svojim vlastitim jakim stranama, slabostima, prilikama i opasnostima da bi učinila svoje lokalno područje atraktivnim za poslovanje, nove radnike i pružanje potpore institucijama.

**Lokalna razvojna agencija:** organizacija koja podržava i kreira široku mrežu kako bi katalizirala razvoj. Neki od temeljnih zadataka agencije su da doprinese: stvaranju novih radnih mjesta; pruži podršku malim i srednjim poduzećima i promovira ih; poboljšanju privrede i unaprijeđenju teritorijalnog marketinga; promociji slobodnog tržišnog natjecanja između poduzeća; kreiranju alata za privredni razvoj i razvoju suradnje između sva tri sektora društva.

(Priručnik LER; Odjel za urbani razvoj; Svjetska banka; Washington, DC, 2009.)